


## Edizione diplomatica



px/public/C%20%283%29\_15.jpeg&itok=SJSBoRXc

### B. d(e) ue(n)tedorn.

GEs de chantar nom pre(n)  
talans. tan me peza de  
so que uei. que metres  
solia hom en grans. cum  
agues pretz honor e lau. mas e-  
ra no uey ni non au. quom par-  
le de drudairia. per que pretz e  
cortezia. e solatz torn en no(n) chaler.

Dels baros comensa lenians. cu(s)  
non ama per bona fey. per son  
sec al autres lo dans. e negus  
hom de lur nos iau. ni amors  
non reman per au. quar ben leu  
tals amaria. que sen tem quar  
no sabria. a guiza damor capte  
ner.

Per ren non es hom tan  
prezans. cum per amor ep(er) dom-  
ney. que daqui mou deportz e  
chans. e tot quant a ric pretz a-  
bau. nuls hom sens amor ren  
no uau. per q(ui)eu no uuelh sia mia.  
del mon total senhoria. si ia ioy  
non sabiauer.

Image not found

https://letteraturaeuropaea.let.uniroma1.it/?q=sites/default/files/styles/330\_px/public/C%20%284%29\_8.jpeg&itok=PYDAHb0F

**De midons me lau cent aitan(s).**  
que no sai dir (et) ai ben drey. que  
quan pot me fay bel semblan. e  
sui amics gent e suau. e ma(n)det  
me per quem nesiau. que per  
paor remania. quar elha pl(us) no(m)  
fazia. per q(ui)eu nestau em bon esp(er).

**De tal amor sui fins amans.** do(n)  
duc ni comte non enuey. e non  
es reys ni amirans. el mon que  
si nauia tau. non sen fezes rics  
cum ieu fau. e si lauzar la uolia.  
ges tan dire non poiria. de ben  
mais noi aia de uer.

**Bona domna cueynde prezans.**  
per dieu aiatz merce de mey. e  
daisso no siatz duptans. de uos-  
tramic fin e corau. far me podetz  
o ben o mau. en la uostra merce  
sia. q(ui)eu sui guarnitz tota uia. cu(m)  
fassa tot uostre plazer.

**Fon salada bos drogomans.**  
me siatz ues mosenhel rey. e  
digatz lim que per forfans. mi  
tenc quar ieu ues lui no uau. p(er)  
quieu corena e peitau. e tot an  
iou e normandia. uolgra que  
belh couenria. agues e fos el  
sieu poder.

- letto 424 volte

Credits | Contatti | © Sapienza Università di Roma - Piazzale Aldo Moro 5, 00185 Roma T (+39) 06 49911  
CF 80209930587 PI 02133771002

Source URL: <https://letteraturaeuropaea.let.uniroma1.it/?q=laboratorio/edizione-diplomatica-2321>